

**Vademecum Sive Praxis Opera Quotidiana Aliaque ritè
peragendi, & per ea salutem & perfectionem propriam, ac
proximi, instituto Societatis Jesu conformem assequendi**

De operibus solidæque devotionis exercitiis, quæ vel quotidie non
peraguntur, ves fusiore indigent explicatione, quomodo cum majori fructu
peragi possint

Limpens, Ferdinand

Coloniæ Agrippinæ, 1744

Præfatio. Pro tribus Capitibus sequentibus.

Nutzungsbedingungen

[urn:nbn:de:hbz:466:1-54780](#)

& sic doctrina SS. PP. magis magisque paulatim tibi perspecta erit. Et si per annos aliquos tale studium continues adnotando omnia, ut jam dixi, in separatis libellis vel titulis, eâ paulatim imbueris scientiâ, quæ propriè cadit in Sacerdotem Dei altissimi, & vel maximè virum Apostolicæ professionis. Eset & similis occupatio dignissima pro Clerico, qui præter recitationem aut cantum horarum, & lectionem Sacri nil habet ulterius, quod vi officii agat. Tali sèpè videtur tempus per diem longum, & nec sit, quo id fallere debeat. Utinam se tali, quæ maximè in eum cadit, occupatione sanctâ distineret. Imò nec abs re foret (cùm homines tales sèpè vel libros non habeant, ex quibus similia eruere possint, vel etiam non sat capacitas ad ejusmodi præstanta) si quis alias præmansum talet cibum iis in os ingereret in quatuor partes divisum, & quatuor Breviarii partibus adaptatum. Leguntur enim horæ à multis per 20. 30. 40. annos, & sub finem æquè sunt ignorantia in intelligentia Scripturæ, notitia historiæ Ecclesiastice, SS. PP. ac controversiarum, &c. ac fuerunt sub initium, dum facti sunt Sacerdotes, vel Breviarium orare cœperunt.

P R A E F A T I O.

Pro tribus Capitibus sequentibus.

Statim in titulo hujus tertiae partis professus sum me velle tantum agere de solidæ devotionis

nis exercitiis, adeoque, quid per ea intelligam,
paulisper hic explicandum est. Itaque

Primo. Devotiunculæ, & nescio quæ oratio-
nes sæpè inveniuntur in libris precum, nec ab
Ecclesia, imò sæpè nec ab Autore horum libro-
rum approbatæ aut primitæ additæ, sed lucri
gratiâ in secunda, tertia impressione à Hypothe-
tis adjunctæ, & ab hominibus vel indectis vel
malis ad inventæ seu communicatæ. Ejusmodi
libellorum examen & suppressio pertinet ad eos,
qui bus id vi officii incumbit. Ut ostendatur,
genuinam Christi Ecclesiam sine ruga esse ac
macula. Evidem, si aliqui hac in parte officio
suo desint, aut libellos omnes sæpè supersticio-
sa continent extripare non possint, per hoc
non definit Romano Catholica Ecclesia vera
esse Christi sponsa, quia non tantum non ejus-
modi pestes reprobat, sed execratur, & ex-
communicationum fulminibus ferit. Dolen-
dum tamen est ob Heterodoxos (qui nil avidius
quærunt quam occasionem indocto populo suo
contemptum & aversionem erga Catholicam
religionem inspirandi) quod quoad hæc ipsa
non major sit attentio ac vigilantia. Tu, si sa-
pis mi Lector, semper suspectas habe devotiun-
culas aut preces; ubi eas recitanti infallibilis
promittitur securitas ab improvisa vel mala aut
violentia morte, certitudo addicitur abscondi-
tos thesauros inveniendi, immunitatem ab his
illis morbis impetrandi, pecora à quovis conta-
gioso morbo & lupo, arbores, frumenta, olera,
vites, &c. ab omni noxio acre, verme, muribus

præ-

præservandi, Dæmonem ex energumeno, lemures ex ædibus expellendi, præstigias, incendia, damnaque à Magis ac Sagis causanda evadendi. Demum nullis fide benedictionum & adjurationum formulis, quæ in Missali Agenda Rituali Romano non inveniuntur, aut aliunde à Christi in terris Vicario sanctâque Romano-Catholicâ Ecclesiâ positivè non sunt approbata. *Sicut ludit in humanis divina potentia rebus,* ità Dæmon in ejusmodi non approbatis ab Ecclesia devotiunculis & superstitionibus. Qui illas propagant, vel sunt omnino hebetes, vel ex malitia propria captant applausum simplicis populi, ejusque nummos. Qui illas usurpant, patiter auri aviditate aut alterius temporalis comodi infatuantur.

2do. Sunt multi devotarii & devotariæ, qui statas per diem preces recitant, certas devotions exercent, imò integros precum libellos evolunt. Interim ea, quæ propriè eorum officium, professio, status exigit, negligunt; suum adorant critirium, aliasque indomitas affectiones iræ, invidiæ, rancoris, superbiæ, &c. retinent. Tu, si ejusmodi pœnitentes habes, & vocationis tuæ est non tantùm proximorum salutem, sed & perfectionem promovere. Noli animas tibi concreditas secundùm illarum præcise gustum ac beneplacitum tractare, in devotiunculis per crebra alloquia vel litterulas instruere cum magna tua & illarum sæpè tensuitate, prætextu pietatis ac devotionis palliatâ. Sed, ut virum Apostolicum gravem ac corda-

tum decet, semove operculum ab olla intus de-
votiunculis quidem bulliente, sed magis immo-
deratis animi motibus. Dedoce has illas sen-
sualitates, passiones, propriique judicij pertina-
ciam, & perduc ad solidam perfectionis ac de-
votionis semitam atque exercitium.

3tiò. Quotiescumque cogitatio morosa de so-
lida devotione ac perfectione subit animum. Fa-
teor toties in me exurgere commiserationis &
indignationis motus erga homines in genere
utriusque sexus, qui devoti sibi aut aliis esse vi-
dentur. Vah quam nos decipit amor proprius,
sui ipsius plus æquo æstimatio, cerebelli proprii
pertinacia, & mendax virtutum color. Dum
ipsa vitia, pravas inclinationes, & ex iis pro-
venientes aëtiones pro virtutum ac devotionis
actibus venum exponimus. Fodiamus altius,
ut ad solidum tandem veniamus fundamentum.
Nullam solidam devotionem habere potes sine
solida virtute. Nullam solidam virtutem habes
primo. Si habitum apud te non contrarerint
actus virtutum theologicarum fidei, spei, cari-
tatis. Si religio, quæ verum in- & externum
debitum divinæ Majestati cultum complectitur,
altas in te radices non fixerit. Quomodo jam
ostendis veram fidem, spem, caritatem, religio-
nem in Deum tuum? si visco terrenarum rerum
irretitus, sensuali, ne dicam carnali erga has il-
las creaturas affectu agglutinatus, aut commo-
ditatis tuæ justò amantior, non laboras cum fer-
vore pro Deo ejusque gloria ac fideli servitio in
te & omnibus, in quibus potes, vel officii aut
voca-

vocationis causâ debes , re ipsâ implantando & amplificando. Si justus zelus te tabescere non faciat , hoc & à te & ab aliis negligi, in quo primarium solidæ devotionis exercitium situm est. Quid curo tuas devotiunculas ? si in principali hoc puncto deficis , & tepidus saltem es , si non frigidus. 2dō. Nullam solidam virtutem habes, si in lectioне (quam Christus iam à tot annis tibi , cuiuscunque demum sis statūs , inculcavit dicens : *Discite à me , quia mitis sum & humiliis corde*) adhuc es abecedarius. Sæpius prò dolor videmus. Quòd illi , qui singularibus paucuntur devotiunculis , prolixas preces per diem fundunt , à consortio aliorum , honesto lusu aut recreatione abstinent tanquam homines de cælo lapsi , vel verbulo lacesisti ab æqualibus , vel justè correpti à superioribus flamas jaculentur & ignes. Quid curo tuas devotiunculas ? ostendas quod , cùm solida devotio consistat in imitatione Christi , verè sis mitis ac mansuetus. Dein quòd sis *humilis corde*. Dum hæc verba perpendo , necessariò judicare debeo , veram & solidam devotionem inter mortales esse ratiſſimam. Nam primò rara teste Bernardo est *humilis honorata* sive hominum applausibus , splendido officio , stemmati , rerum omnium affluentiae conjuncta. 2dō etiam sub centone , in viliore statu aut officio , sub ipso paupertatis sive spontaneæ sive coadæ pallio magna sæpè latet superbia. Uno verbo ubi sunt & quot sunt verè humiles corde ? contemnere se ipsum , sua verbis ac signis exterioribus parvi facere non est

artis. Sed dum vilipenderis ab aliis, humiliaris, vel etiam sive meritis sive immeritis reprehensionibus castigaris, confunderis, etiam fcommatibus ac sarcasmis impeteris. Tunc enim verò ex his velut ex lydio lapide genuinæ humilitatis tuæ aurum probari deberet. Quæ, si tuæ non appareat, non es *in corde* NB. humilis, & consequenter nec *in corde* devotus. Quòd quidem ex eo appareret luculentius. Quòd, si rem ad fundum perspicis, nullus homo se propriè loquendo humiliare, sive *infra id*, quod est, se abjicere possit utpote pulvis, cinis, saccus vermium ac stercorum, nihilum ex parte sui esse naturalis, nihilum ex parte gratiæ & donorum supernaturalium, & per peccata sua in infinitam quasi nihileitatis ac miseriae abyssum præcipitus. Solus ergo Deus juxta sanum Scripturæ sensum *humiliavit semetipsum* abjiciens se *infra id*, quod est, *formam servi accipiens*, *& habitu inventus ut homo*. Et sicut incomprehensibile est istud mysterium, ità propriissimè illud expressit Apostolus ad Philipp. 2. his duobus verbis, *exinanivit semetipsum*. Quia verbum divinum assumendo naturam humanam, infinitum finito sive nihilo respectu Dei sibi uniens quasi se annihilavit. Unde, quæ exinde secura sunt, hoc *semel* facto non ità stupenda sunt. Quòd scilicet ut pauper, inter homines contemptibilis vivere, & in infami cruce mori voluerit. Quid tibi videtur inflate Thraso? cùm inter te & vilissimum terræ vermiculum magna sit differentia, si talis vermis, te eidem uniendo,

do, fieres. An non videretur, quod te exinvasses aut annihilasses? & tamen talis infinita distantia non est inter te & vermem ac est inter Deum & hominem. Quod jam Joan. i, dicatur: *Verbum Caro factum est.* Inde patet, quod Deus non tantum animam hominis, juxta quam est imago Dei & Angelis similis, sed & carnem seu corpus, quod cum bestiis homini commune est, assumperit. Et adhuc plus exinanitionis inde elucet, quod non voluerit hominis perfecti, sicut Adam creatus est, naturam assumere, sed in ventre Virginis novem mensibus concludi, infantilibus miseriis subjici, nec nasci velut nobilis aut Princeps hujus mundi, sed tanquam pauper instar miseri servi aut mancipii, pro quo non erat locus in diversorio sed diruto stabulo inter bovem & asinum. Ecce hic Deus ita se annihilans, exinaniens, humilians inclamat tibi mi Devotionarie, ut sis *corde humilis*. Strictè loquendo, ut jam dixi, non potes te humiliare, sive exinanire sive abjecere te infra id, quod es ex essentia tua, & quod te abjecisti per peccata tua. Ergo ut ostendas solidam aliquam devotionem, saltem lectionem Christi de humilitate ejus imitanda sic accipe, & in praxin redige. Ut eum imiteris in genuina erga Deum & homines subjectione, ut omnem in animo fastum & pharisaicam ac affectatam declines humilitatem, & etiam ex exteriobus alii prudentes colligere possint, quod tibi cordi sit illud S. Hieron. *Magna Philosophiae argumentum est homores negligere, tandem non affectare.* Examina

te hic , & totum discute , quousque devenies
in hac cordis humilitate;

Quid jam dicam de virtutibus aliis? sine quibus iterum nulla solida potest consistere devotione. Non loquor hic de habitibus supernaturalibus sive nobilissimarum virtutum unâ cum gratia sanctificante à Deo infusarum comitatu , dum à peccato originali per baptismum , ab actualibus per genuinam pœnitentiam homo abluitur. Sermo in præsentiarum est de exercitis & frequentatis tot virtutum actibus , qui nomen tibi apud Deum & homines conciliare possint, quod sis homo revera virtuosus. Jam ad rem. Virtus ergo taliter accepta non consistit in uno altero actu , sed in habitu aut facilitate tali per repetitos actus acquisitâ. Ut, quemadmodum cytharœdus quocunque tempore interpellatus cum summa velocitate ac facilitate pulsat artificiosè cytharam , ita tu in omni , que se offert, occasione sine lucta, difficultate mox hunc mox illum corde, verbo, opere virtutis actum promptè alacriterque elicias. An jam hac occasione datâ ostendis? quod in domo virtutum habites. Aut an non potius , oblatâ occasione virtutem temperantiae fraternalę caritatis &c. lædendi, mox contra eam impingis? vide ergo mihi superficialis devotionarie , quam justam habeas causam superius illam Ecclesiæ collectam ingeminandi. Deus , qui conspicis omni nos virtute destini , interiorius exteriusque custodi , &c. Plura de hac mat. V.p. 1. animad. 7. à pag. 101. Si ergo solidatevis dare devotioni , qui roties modum in ea proficien-

ciendi instar devotulæ (quæ ideo cret. ius allo-
quium aut litterarum commercium à suo petit
Confessatio) edoceri cupis. Conare virtutes
acquirere per crebrum earundem exercitium.
Præsto tibi est divina gratia, præsto sunt per ex-
amen particulare, generale, Sacramentorum
usum, &c. tot media. Interim etiam

4to. Solidæ devotionis, quæ virtutes gene-
rant, exercitia sunt, quæ attuli in p. 1. hujus
Vade mecum de quotidianis operibus ritè per-
gendas. Et in p. 2. de crebris mentis in Deum
elevationibus. Solida quoque sunt, quæ in
hac p. 3. quatuor jam Capitibus de meditatione,
Confessione, Sacro, horis Canonicis ritè per-
solvendis pertractavi. Et solidæ sunt devotio-
nis exercitia, quæ porrò in tribus sequentibus
Capitibus pertractabo. Qualia sunt, 1mo. De-
votus cultus erga Deum Eucharisticum, vitam,
passionem ac mortem Christi. 2do. Debitus &
constans *Latriæ* cultus erga SS. Trinitatem, cu-
jus fruitio finis est noster ultimus. *Hyperdulia*
erga Deiparam Virginem, *Dulia* erga Angelos
& Sanctos. Affatim pabuli inveniet in his Ca-
pitibus devotæ orationis sive vocalis sive men-
taloris amator, ut neque in uno neque in altero
deesse videar. 3ti. Præter opera misericordiæ
corporalia constans erga animas in purgatorio
detentas commiseratio in vario pietatis genere,
sicut & spiritualia erga vivos indigentes mise-
ricordiæ opera. 4to. Demum quotidiana, dum
sanus es, & singularis ac propior, dum mor-
bo periculoso infestaris, ad mortem piè obe-

undam præparatio. Cuncta hæc esse solidæ,
& sœculari cuivis, dein Clericis, Sacerdotibus,
religiosis & devotioni deditis congruentem
complecti devotionem, imò optima esse ad sa-
lutem æternam adipiscendam adminicula, præ-
destinationisque ad cælestem gloriam argu-
menta, optimè novit, qui fuit nequam ab
initio, juratus generis humani hostis Caco-
dæmon. Hinc ut devotiones ejusmodi soli-
das funditus extirparet, tot hæreles contra
SS. Trinitatis Mysterium, humanitatem, Di-
vinitatem Christi, ejusque in Eucharistia præ-
sentiam, contra cultum Deiparæ Virginis &
Sanctorum, aliasque Catholicæ fidei verita-
tes de purgatorio, bonorum operum necessi-
tate, utilitate, &c. in orbem invexit. Et quos
eiusmodi peste contaminare non potest, iis
mortis oblivionem instillare conatur. Et ne
eam aliquando infelicem fore metuant, de-
mentat eos devotissimis, quas obiens à su-
bitanea malaque morte, si Superis placet,
certò certius liberandus sit. Contra has tech-
nas se præmunire, & securis ac soli-
dis à Deo datis mediis gnaviter ac
ferventer uti quivis
debet.



CAPUT